

Anpao Kin

THE DAYBREAK

BUREAU OF
AMERICAN ETHNOLOGY
1906
LIBRARY.

24628

"Wankantanhan Anpao kin hiyouhipi." - Luke 1. 78.

VOL. XXII

FOREST CITY, SO. DAK., JUNE, 1906

NO. I

ANPAO - KIN:

Rev. E. Ashley,
Rev. W. J. Cleveland, EDITORS

Anpao wotanin wowapi kin wi iyohi-ma, wiyawapi anpetu tokaheya cea wuwapi tokxu kin ogna yewicakiciyapi ece. Wi akenom (one year) on kaxpapi yamni kafujupi kta.

Wi xape kin kaxpapi wanji sam okise.

Ecupi xni itokab kdajujupi kta.

Wowapi askabvapi maxlxana wanji qaix nonpa owapi kin, mazaska cekiya. ANPAO KIN opeton-okahipi kta.

Tuwa wowapi kagin kta ca wowapi ska sani el-owa kta.

Opetonpi kta wowapi hiyukiyapi qaix ed taku oyakapi kta cinpi na hiyukiyapi ca, wowapi ojulha akand deced owapi kta.

REV. E. ASHLEY,
Cheyenne Agency, S. D.

Yawaxteya Caxeyatapi Wowapi Wan.

ANPAO KIN icikoyagunyanpi qa wicoran waxte ecom iyounpaxtakapi kta wookihi yaha. Okodakiciye-wakan opaxte-tka ebeheya tipi kin, hana iyotan otakiye waxte beca kta. Bixop waun kin eciyatamhan, taku ecomon oxpaxpa oyakapi qa taku bduotanin kta wacin kin hena owasin, qa Tipiwakan iyaza amawani woyakapi kin hena, qa makun Okodakiciye-wakan kin wotanin tawa toktokca ed kagapi kta. Oyate unkitawapi kin owasin Anpao kin ecupi qa sanm wicaxa tokeca wicagupi nin ecanmi.

W. H. HARE,
Yewicaxipi Bishop

BAPTISMA.

Rosebud Mission el All Saints Chapel ogna, Feb. 26th 1906 Wallace Victor Baptisma qupi. Hoksicala kin he Jacob Charles na Lottie Antoine cincapi. Nakun Emerson he Richard na Louisa Ellston cincapi. Lena Rev. Wm. Saul wicakiciyustan.

WAKANKICIYUZAPI.

Rosebud Mission, Opawoju wakapala qel Tipi wakan, All Saints Chapel ogna, March 13th 1906 qonhan wakankiciyuzapi wanji econpi: Joseph Cheyenne Butcher na Mrs. Julia Bear kici. Rev. Wm. Holmes kiciyuzapi kin yuwakan. Wica kin he Matoluzahan cinca.

Africa makoce ekta onspa-Morrocco eciyapi-he France yuha na tawa iglawapi, tka maka oksape kin heon Germany France kici akinica na makoce kin he iye glu-hapi kta cinpi keyapi. Woskinica kin on lehantu kin otanwe wan, Algeciras el oyate oyasin etanhan kabinil yewicaxipi ca hel taku aki-

nicapi kin on mniciye yankapi. Wahwayela yustanpi, nais on France na Germany kieizapi kta ca nahabein sni.

Indian Territory-Maste makoce -ekta Oyate Zaptanpi kin on tokel unpi kte woyntan wicakicagapi kta e Indian Appropriation Bill kin el ikoyakapi. Yunkan lecala Senate Indian Committee kin he Bill kin he iwanyakapi kta yankapi icunhan, Senator LaFollette taku wan yntanin. Oyate Zaptan tamakoce kin el el peta cahli, na maza makoce ynke cin, etanhan Hemani okolakiciye nalimala wicasa sniyan wicakipi kta camigunke eonpapi se aslawela yuatanin. Itokab Hemani okolakiciye kin makoce kin hena oletapi na ohanketa cistina kafujupi kte cin on makoece ioupi kta awaoinpi tka Senator LaFollette anapta. Lakota oyate kin taku hececa on wicagnayanpi kte sni e ijehan wacinksapapi waste.

United States kin el Maza canku wicasa itancanpi kin watoksupi on wokajuju kabnigapi kin ehas oyate kin tilla ota kafujuwicakiyapi ece keyapi, nahan tokel wokajuju kta eyapi kin tuwa mazaska ota yuha sni esa ecel kafuju wicakiyapi ece, tka tuwa wijica se, nais kolawicaye cinhan wokajuju kin he nalimala aokpeni wicakicagapi, na he skanpi kin on wicasa akiyeece ecawicakicagapi sni na owotanla sni, nahan United States woope kicaksapitka. Yunkan taku etonpi kin le on oyate etanhan wicota iyokipipi sni, ma heon Tunkanilla kin he woope apiyapi na wicohan kin le anaptapi kta ca sam yatins kagapi kta cin ma kuwa. Congaess el wanna wan-iyetu nonpa le kuwapi, yunkan lecala Kalinil opapi kin woope wan yustanpi, na wanna Senate el akiyapi. Senator ota Maza canku eciyatamhan najinpi na on woope teca kin le iyokipipi sni, hecel tokeltu kta tanin sni.

United States el takuku oyate woyuteyapi nais taku woyute icicaliyapi kin, watokeca na watokeca yujapi mas wognake wiyopeyapi kin eciyatamhan wowicasa sni ota ikoyake, canke taku ota yulpi-ca sni esa kagapi na wiyopeyapi ece, na wicagnayanpi kia e taku kin hena ocajewase askamtonpi. Yunkan taku kin le anaptapi kta ca wanna waniyetu akezaptan Con-

gress yuwa, na hekta lecala heca on woope gluстанpi. Hecel letanhan taku kagapi na wiyopeyapi pazopi can he taku hecinhan wicakeya caje askantonpi kta wicasi, hecel wicasi taku opetonpi kta cana he taku hecinhan atanin kta.

Houston S. D. etanhan.

Anpao kin:

Ito woyagosi kte. Eya lel iyotiyekiya unskanpi heon nayanonpi kta uncinpi. Eya lel Winyan Omniciye wan unqonpi kin lecel apiunkiciyapi na lena oitancanpi, lena wiakenom Taku wakan el wowaši econpi kta wicayustanpi: Mary Old Lodge, Itancan; Mary King, Okihe; July Thunder, Wowapi kaga; Josephine Gassman, Mazaska awanyak; Annie Yellow Hawk, Wokagege awanyaka; ho lena eepica Taku wakan wowaši ecakiconpi kta wicayustanpi. Ho le ekta Jan. 1st 1906 behan ake otokake Taku wakan unkiysuyapi. Wicasa wan Mr. Reuben Estes eciyapi Lower Brule etanhan unkiyapi qa ake lehanl Winyan omnicieye kin unskanpi, na heon lehanl Wakantanka wopila unkiyapi. Ho hecel tona Anpao iyacupi woeekiyé on unyeksuyapi uncinpi, na ekta ahiontonwanpi na maka owancaya Winyan omnicieye unpi onyakiyapi nin ecanmi. Tipi wakan wanji uncinpi na unkuwapi tka nahali lehayan okihisniyan unqonpi heon he ecel eciciyape. Ho hecet we. Lower Brule unketanhanpi kta Rosebud maka kin lel unqonpi, Big White River eciyapi kin lel unqonpi. Ho cankaga tipi eqes unnicapi ca tipi tuktetukakeš waceunki-yapi. Ho iyapi lena miyeksuyapi na ah-wacin piye. Ho tona Anpao iyacupi oyasin napeciyuzape.

Julia Thunder.

Veblin S. D. etanhan.

Anpao kin:

Koda tohinmi Anpao en woiyukcan wanji wapazo Sep. 1905 he ehan. Tka tanyan okahinigapi sni se ececa heon ake cajebdate kta wacin. Okodakiciye wakan etanhan Koška okodakiciye qa Winyan okodakiciye kin henaos isto kinu-kan yuwakantupi iyececa. Okodakiciye wakan wasake sni aya sta koška qa winyan kin denaes

isto kinu-kan pawankan yuzapi kinhan wasagya wokicize econpi kte dena tuwe awacinhece cinhan wicohan nina tanka qa waste sdon-ye kta. Ho eya dena decetu tuka taku wanji wakeheca kte he dee. St. Andrew Taanpetu, Nov. 30th 1882 he ehan Pselkin makoce de en Koška Okodakiciye he ehan wicacaje sakpena etanhan tom niunpi. Yamni makoce kin den unpi qa wanji wiyohpeyatakiye akiya hdapi, hecentapi se unhindhapi. Ecen tuwe taku wan icalye kinhan he iye icalye nakaas nina telinda qa tanyan awanhdaka ecece, tka tuwe tokeca nape ohna icu kinhan he iye icalye sni nakaas ehanhan tokadake sni ecee. Unkan ito taku kin dena awanoinpi qa Koška owas inaujinpi kta iyececa wadake, tohanyan unkihduowotanpi sni kinhan taku owas iyuzapi kin iyecece eyapicee kin iyecece unyanpi kte. Taku tokaheya econqonpi kta hecinhan de kecanmi. Mato-sapa tokahi ptanyetu kin he ehan kepee, tanyeha weksuye sni tka he ehan St. Andrew Taanpetu iye-han he, St. Andrew Koška okodakiciye mniciyapi qa Wasicun ekta Koška okodakiciye wanji tanka un he ekta ikoyagiciyapi kta keyapi qa on Committee yamni wicakagapi, woope tona yuhapi kta iyecece hena piyapi kta on. Hehan St. Andrew Koška Okodakiciye kin de ekihnakapi tohanyan Committee kin he hdipi sni hehanyan. Committee npi kin dena eepi, T. A. Robertson, Thomas Cante qa J. R. Brown, hinnalcin tohinmi hdipi sni. Ito hena owicundepi qa taku econpi hecinhan sdonunyanpi kta iyececa qa hehan taku wan econqonpi kta hecinhan econqonpi kte. Hecen de on ito Sisseton oyanke cin de en ataya omnicieye wanji unhapi kta iyececa wadake. Ecin makoce wanjina tka en Koška Okodakiciye obe ota. Unkiš den St. Luke's eciyapi; hehan wanji St. John Baptist, qa St. James. Wanji iyotan St. Mary's Koška okodakiciye eciyapi keyapi. Hecen ito iwanyaka po. Miš miye kin de ohni on magiyemiye. St. Andrew Koška Okodakiciye taku on kagapi Wakantanka hitakinipi kta, Okodakiciye wakan en wasagkiciyapi kte. Kodakiciyapi iyecece ekiciyapi kta, dena awauncinpi qa witaya inaujinpi kta iyececa. Nafakodapi wanji

C. A. Robertson.

THE DAYBREAK.

Rev. E. ASHLEY,
Rev. W. J. CLEVELAND
EDITORS.

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 30 cents per annum and may be paid in one or two cent postage stamps.

Single subscriptions for six months, 15 cents.

All subscriptions and matter for publication should be addressed to

REV. E. ASHLEY
Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

PRINTED at the office of the "Forest City Press."

ENTERED at the Postoffice at Forest City, So. Dak., as second class matter.

OKOLAKICIYE WAKAN WIYAWAPI.

June wi kin.

3. Anpetu Wakan Ska Ša
4. Anpetu Wakan Ska Anpetu
-Wakan el Monday Ša
5. Anpetu Wakan Ska Anpetu
-Wakan el Tuesday Ša
- 6, 8, 9. Ember Anpetu.
10. Yamni Taanpetu Wakan
kin Ska
11. St. Barnabas Taanpetu Ša
- 12 na 13. Eastern Deanery Convocation
17. Yamni iyohakab Anpetu Wakan
tokaheya To
24. St. John Baptisma wicaqu
Taanpetu Ska
Nahan Yamni iyohakab Anpetu
Wakan inonpa.
- Ho. St. Peter Wahošiyē kin
Taanpetu Ša

Wotanin-wašte Ayapi On Wocekiye.

Anpetu iyohi wicokaya he cin ehan heyapi kta:

Wanikiya wašte isto wacantkiya nitawa kdugad, canicipawega akan otkeyahan yaun tka qon, maka akan wicaša un kin owasin Niye ekta etonwanpi qa niwicayapi nunwe. Amen.

Yewicašipi kin on.

O Wakantanka, tuwe wicawe wanjila on, wicaša oyate hiyeye cin oyasin maka kin owancaya etipi kta e wicayakage cin, na tona itehanyan naiš kiyela unpi kin, wookiye owicakiyakin kta e Nicinea wašte uyaši qon; wicaša oyasin onilepi na iyenyani kta unqupi ye. Oyate kin optaye nitawa kin opewicaya ye, na Ikcewicaša kin wokiconze nitawa ekta awicagli ye. Tona wicayeco kin ecala wicalu ecetu, na nitokiconze kin kohanna uyakiyin kta iceunniciyapi; Jesus Christ Itancanunyanpi kin hee eciyatanhan. Amen.

Wotapi šni Itokam Wocekiye wan.

O Itancan, wopida unnicupi. Wotekdapi kin wodwicaya ye, qa wicaša owasin, maka sitomniyan, Wiconi Aguyapi ni un kin Malipiya eciyatanhan hi kin he odepi qa iyeyapi kta e iceunniciyapi. Amen.

Grace before Meals

Thanks be to Thee, O Lord. Feed the hungry, and grant that all men, everywhere, may seek and find the Living Bread which cometh down from Heaven. Amen.

ANPETU WAKAN IYOHILA TAWOCEKIYE ON WOONSPE.

Easter ayohakab Anpetu tokaheya.

Anpetu wakan kin le "Low Sunday" eciyapi. Nahašei Easter omaka etan anpetu išaglogan kin heon. Nakun Ska Anpetu Wakan eciyapi, le anpetu icunhan Baptisma wicaqupi ece qon heon. Nakun Sunday Teca, naiš wicayuteca Anpetu eyapi, icunhan wiconi teca ogna ni unqonpi kta iwaktaunyanpi kin heon.

Easter wowiyuškini kin anpetu wikcemna topa, Ascension Anpetu behanyan iyuškinpi, icin Easter Woonspe kin, woonspe iyotan tanka heca kin heon. Wahošiyē wakanpi kin Jesus ekicetuyapi on waayataninpi ohinni oglakapi ece; Christ ekicetuyapi kin on owotanla unyawapi (Roma. 4: 25), na woekicetu kin he eciyatanhan on woahitani unkipajinpi kta na wiconi teca kin el maunnipi kta ca wookihi unkičupi ce. Anpetu wikcemna topa kin lena ehake Wanikiya maka akan un kin on "Anpetu Wikcemna topa Tanka" ewicakiyapi ece. Anpetu kin lena icunhan taku nom onspewicakiye: 1. Iye tancan kin hec ca ekicetuyapi kin wicalapi kta e wicakiyaatanin. Tancan kin hee tka yutokecapi, icin tepica kin wanna tepicašni ikovake, na Iye tancan najinkiyapi kin on unkitancanpi ake piya ni kta islolunyanpi. 2. Iye tokiconze on onspewicakiye kta (Ošan. 1:3), na el tuwa awanyakapi kte cin, na tuwa opa kta ca woope tokel on opeyapi kte cin, na Iye ecel wawicaši kte cin he. Leciyatanhan Iye onspewicakiye cin Wowapi wakan el ota owapi šni kin on, tokel econwicaši kin tokiyatanhan slolunyanpi kta he. Otokahe ekta Okolakiciye wakan woope yuha kin he eciyatanhan. Okolakiciye wakan kin otokaheya kin el taku tona yušan kin hena Itancan econwicaši kin ognayan yušanpi ecinpica. Iyunkan Easter Anpetu etanhan Ascension Anpetu behanyan taku nonpa kin le Okolakiciye wakan kin unkipazopi.

Wocekiye kin.

Wocekiye kin he el wicaša tani kin elpeunyanpi na wowicake na wakašotešni wiconi on unniipi kta e wowašte unlapi. Easter olowan

kin he icupi na wocekiye woeye ogna eye. Woahitani unyuhapi kin on cin kta na unyucetupi kta e ake kini kta on unyuhapi qon. Christ kini kin on owotanla unyucetupi (Roma 4:25), icin "wanštani on ta" na on unkičicajujupi eša, kuni šni unkanš woohiye glanna heca kte šni tka. Hecegla te cinhan unkiye wiconte etanhan unkiyuškapi kte šni. Iye kini kin on wiconte tawa kin Wošnapipi heca, nahan Satan obiya, na heon Satan towašake etanhan eunyakupi kta gluwicake. Hecel wokipajin na ošan šica inapošiyē kin tokal iyeunyanpi kta. Hekta anpetu wakan qon wokipajin na ehan šica napošiyapi kin he elpeye unšipi kin on woahope (wošnapipi) kin ahounpapi kta eyapi, he iyecel lel ohinnyan tokal iyeunyanpi kta, na Wošnapipi onpapi el unkičicajuzapi kin hecetuwanjica omaunnipi kta iceunkiyapi. Wiconi wakašotešni na wowicake ognayan wiconi kin on unniipi kta. Wakašotešni niunpi kin, na wowicala wicakapi kin nopin unyuhapi kta kipi. Untancanpi etanhan buha kin skaya unyuhapi šni ehantanhanš nahan "wowacinye ehanna Wicaša wakan wicaqupi kin he" ataya na ecetu unyuhapi šni hecinhan Wakantanka tanyan waecaunkičonpi kta unkičihipi šni.

Easter iyohakab Anpetu Wakan inonpa.

Anpetu wikcemna topa tanka kin le icunhan nahašcin Okolakiciye wakan kin Christ wicošan glušan kin he unkipazopi. Taku nom on makata hi: 1. Woahitani on wošnapipi, na Canicipawega akan waiglušna, na ekicetuyapi on yutaninpi, na wakanl iyaye qon on pazopi. 2. Wakanyan nipi kta on woonspe heca, na woowotanla unkitawapi kta (Jer. 23:6). Tokaheya kin on Adam wašitani kin kin kajuju, na inonpa kin on wotakuye Adam yušna qon he yucetu, na yucetu kta wowašake yuha (Matt. 3:15) na Hokšila na Wicaša owotanla un kin on woahope oyasin yucetu kin, unkiye iyecel heconqonpi kta e onspeunkiyapi. Hecel Friday wašte icunhan Wošnapipi wan Wakantanka itokab wanyuškapi kin ake etonwe unšipi woekicetu wiconi el unniipi kta heon. Wocekiye kin el Wošnapipi kin he unkičupi na Woonspe kin ihakab unyanpi kta iceunkiyapi.

Wocekiye kin.

Woahitani on wošnapipi, nahan wakanyan nipi kin on waonspekkiye. Wošnapipi wan iyowicahi heca heca, heon woahitani woiyopeye cin oyasin kajuju, na Woonspe ecetu heca, heon Adam taku tona yušna qon hena oyasin ecel econqonpi kta e onspeunkiyapi. Hecel towašte yawapica šni kin he pilaya unkičupi kta. Wošnapipi kin hee. Towašte yawapicasni, unkičicajuzapi kta isanpa tanka, na tokel tanka ecel unyawapi kta unkičihipi

pi šni, qeyaš pilaya unkičupi kta na Iye toni wakan kin anpetu iyohi ogna maunnipi kta unkičicajuzapi kta. "Unkičicajuzapi kta (Wicayusutapi wocon kin el, hena ohinnyan ecel econpi kta e aičicajuzapi kta, unkekiyapi) hecel unkičicajuzapi kta, unkuwapi kta ca wocon iyotan unkitawapi kin unkecinpi kta. Toni (Oye) wakan na wašte, Hokšila na Wicaša un ošan kin iyuha wašte lakaš woope oyasin ecel ohola. Waonspewicakiye cin onpapi šni ehantanhan Wošnapipi kin el wowacinye unnicapi, wacinunyanpi kin he untonipi kin on unyataninpi. Christ tawoope kin he ogna, na tuwe tokaheya canteunkiyapi kin wašteunlakapi šni, na akantanhan wašteya se unqonpi eša he taku šni. Wošnapipi kin he pilaya icupi, nahan waonspekkiyapi ognayan nipi kin lenios yukinukan picašni.

Easter iyohakab Anpetu Wakan Iyanni.

Wicaša nagipi niwicayin kta heon Christ makata hi ecela šni, tka nakun maka akanl wokiconze wan kagin kta, na he wokiconze kin hena iwicakipajin kta, hena Satan towašake ihukuya unpi kin heon, hecel ehake Anpetu wikcemna topa tanka kin lena icunhan tokiconze kin he kaga, na woope qu, na yuwašake škan kin he heca (Ošan. 1:3). Anpetu kin icunhan Okolakiciye wakan Wowapi na Wotanin wašte wakan kašni cin on hena unkipazopi. Le anpetu tawocekiye kin Okolakiciye wakan, Christ Tokiconze kin ošpaye wan el opapi kin taku oyasin iyowajapi omnicieye heca pazopi, ošpaye kin he Christ Itancan na Pa kin hee, heon Wahošiyē wakanpi taku onspewicakiyapi qon katinyan opapi keyapi (Ošan. 2:42). Icin Wicaša wakan lehan Wahošiyēpi tobe el unpi kin iyecel tona opapi kin hena wašakapi šni, wašitanipi sa hecapi e kiksuyewicakiyapi, na nunipi kta nūn se, heon etanhan takupi ca oglakapi kin ecel opapi kta icekiyewicaši.

Wocekiye kin.

Tona icinšniyan unpi kin, hena wowicake nitawa iyoyanpa kin wanyagwicayakiya hecel wicoowotanla canku ekta gliyohpayapi kta. Ohinni icinšniyan econqonpi; Christ Tokiconze onpapi eša ijehan unniunipi kte hecin, woowotanla canku omanipi wookihi tokelpeunyanpi kin heon. Wawanyake wašte talicašunke owicakile qon, iyecelya Wakantanka petijanjan wan, wowicake tawa iyoyanpa kin unkipazopi, canku kin iyoyabunkiyapi ogna ungličupi kta heon (John 17:17; Psalm 119:105). Gliyohpayapi kta, lakaš hekta qon Lent omaka icunhan tona woiyopeicieye econpi kin Easter Anpetu iyehan piya Okolakiciye wakan timabel iwicacupi ecee. Tona Christ oholapi Okolakiciye kin el hiyuwicayapi kin. Owaya-

wa wan el tona opapi kin woonspe akiyecel opapi na wanjipila kin, he iyecel Christ oholapi Okolakiciye el opewicayapi, hecel ounpapi kin on otioyohi okiciciye unqonpi ecee (1 John 1:7). Hekta wancala Okolakiciye kin he opeunyanpi ecela šni, tka ohinniyan el opeya unqonpi kta iyecoca. Icin nahalein Wahosiye wakan waonspe-wicakiye cin oilateya unqonpi, lakaš tona iye wawicaši kin hena awaunyakapi. Nahalein Christ oholapi Okolakiciye ounpapi, ounpapi šni hecinhan taku tom on islolyepica. 1. Hecetu wanjica "waonspewicakiye cin" unyuhapi na woonspe itokeca wanji unyuhapi šni. 2. "Okolakiciyapi tawapi" opeya hecin na omniciye toktokeca ope šni unqonpi he. 3. "Agayapi kiyušpapi kin" ohinni Wotapi wakan yušna šniyan unkičupi he. 4. "Wocekiye eyapi ece." ohinni Tipi wakan ekta tohan Okolakiciye wakan wacekiye ca ijehan el unhipi he.

El ičiconzapi kin etanhan taku tokeca kin, hena tokant iyayapi kta. Taku tokeca ignipi kte šni na el igloayapi kte šni. Taku tona ecetu kin oyasin egua yapi kta, ičiconzapi kin he egua ecel opapi kta. Christ on Baptisma wicayapi na Taokolakiciye opa heca on iyecel toope oyasin ohola, na taku tona ogna šni na woop kicace se kin ohinni igluheiyapi kte on hee.

—o—

ister iyohakab Anpetu wakan itopa kin.

Hekta Anpetu wakan tawocekiye el Christ oholapi Okolakiciye kin opeunyanpi, na waunšakapi šni cankel wowicake iyoyanpa unyuhapi kta iyecoca, on canku owotanla kin opa unyanpi kta, na ununipi hecinhan iyoyanpa kin heon ake canku kin ekta ungli-yoŕipayapi kta ca hena kiksuyeu-kiyapi. Lehanl wocekiye el waunšakapi šni ecela šni tka ouncege unkitawapi kin on unšicapi, na uncantepi owotanla un šni, tka ohinniyan taku tokeca cantiheyapi ece onspeunkiyapi. Lila waunšitanipi sa na unšicapi kin on Wakantanka taku econwicaši kin wašteunlapi šni, nahan taku iwahowicaye cin uncinpi šni ece.

Wocekiye kin.

Wicaša wadhtaniton tawacin na canteuzapi wanahonpi šni, hena nišnala luecetu oyakili. Canteunyuuzapi kin wanahon šni ece; uncantepi kin waanagoptan šni na Wakantanka kin he wašteunlapi šni. Unkolhanpi kin unkiyuwakampi kte cinhan tokaheya canteunyuuzapi unkitawacinpi kin wicayuwakanpi kta iyecoca. Wakpala oinkpa kin ska šni kinhan, mini kaluze cin nakun ska kte šni iteka. *Taku econwicašaš kin waštelake wicaye na taku iwahowicayaye cin he cinwicaša ye.* Wakantanka na Toope ko wašteunlapi kta iceunkiyapi, icin waštelakeya anaungoptanpi šni ehantanhaš waanago-

ptanpi kin he owotanla heca šni. Na woiwahoye tawa kin uncinpi kta, na malpiyata unqonpi kta cantounkpanipi kta, tka iye Toope kin wašteunlapi šni hecinhan unkokihipi šni, icin malpiya ekta Ogligle wakanpi kin ohinni tawacin ecel ecunpi ecee. Malpiya ekta unpi kte cin he wowaste kin he, Iye tawacin ecel ecakiconpi kin hee. *Hecel maka akant taku-šnišni ota na otakiya yutokeca kin, tukte wowiyuškin awicakehan kin el iyeyapi kta iyecoca kin, hena opeya uncantepi kin hel sutaya hin kta.* Wakantanka tuktel un kin hel ecela wowiyuškin awicakeya iyeyepica (Luke 15: 13-18.) Maka kin le el taku oyasin yutokeca aya. Unwakanhejapi qon itayena takuku tankal he cin wanna yutokecapi, kolawicunyanpi kin tokant iyayapi, taku uncinpi na wašteunlapi qon wanna ececa šni, na uncinpi šni. Wakantanka ecela yutokecapi ca šni, na Iye Išnala el wowiyuškin awicakeya iyeyunyanpi kta. Uncantepi sutaya hin kta uncinpi hecinhan, Iye ekta unkiğluhomnipi kta iyecoca.

Pine Ridge etanhan.

Anpao kin:

Iyuskinyan wowapi eicage kta iyomakipi. Hekta Jan. 9th 1905 ti imale na taku mitawa oyasin hulnige lo. Yunkan ataya mazaska opawinge wikcemna, sanpa opawinge nonpa sanpa wikcemna šaglogan sanpa wanji (1281.00) wahecetuya amatukuni šni cankelaka on Oglala oyate omakiyapi kta icewicawakiye. U. S. Indian Agent he econmaši ca on Oglala tiyošpeye 26 wahecetupi tka etanhan hanke ciqayela kin hena eepi ca owicablake lo. Na iš wašicun kin nakun owicablake, iš mitakolapi Holwoju oyate nakun owicablake. Tka oyate waštepi wanjila el wicawai canke lila tanyan makuwapi. Tohantan waun kin tohani taku hecel wašte awakipa šni waun. Iho Siha sapa Tiyošpayepi heepi. Na hehanl kakel wowaglak kin kte lo. Tohanyan wowaši iyemaceca imacage cinhan hehan tan oyate taku wašte kuwapi kin iyohi ecel oyate egua wowaši eamon, na wanna wicalica amaye cinhan icunhan taku otelika wan awakipa. Okšanškan ewatonwan tka tukteni wati wanica na opimičiyeye kta wanica, taku wan iyecoca kel anpetu kin le el Jerusalem etanhan Jeriko ekta icimani ble cin tahena wamanon sa seca wakipa na ihangmayapi, hecel mitawin na micinea om eeya manke cin icunhan kolawicawaye tona ihamakapi na onšimalapi qon hena Samaria wicaša wan waonšila qon iyecocapi, hecel mitakola waštepi Wakantanka niyawaste pi nunwe, wowaonšila nitawapi kin on.

Hecel wanna Cankaga tipi tiyamnini wan opewaton na tima woyuha opewaton na ake wanna cante-wašteya wati. Eya nahalein iyecoca šni qeyaš. Iho po mitakolapi

cante wašteya nape ociglušpape lo. Awicakeya nitakolapi

George Miwakan yuha.

Kolaunyanpi kin wicaša na winyan taku qupi kin oyasin šlayegna owa unqupi tka owecinhan ataya unkowapi kta kipi šni kin on lecel ihukuya unkowapi.

Pine Ridge Wašicun ekta...	23.75
Holy Cross W. Omniciye...	5.00
Pine Ridge omniciye.....	70.00
Wajaje Ošpaye etan	23.55
Tapišleca " "	5.95
Sword Camp etan	13.25
Jaja Ošpaye " "	5.50
Matowakpala " "	1.00
Pejihuta liaka " "	5.30
Bleša wakpala " "	4.35
Makaša Ošpaye " "	1.15
Skokpaha " "	1.25
Wagmeza wakpala.....	1.10
Peji " "	2.10
Wakan Ošpaye.....	25
Oyulipa " "	50
Iyašica " "	1.00
Hoka yuta " "	1.00
Payabya " "	25
Chadron, Neb. etan....	2.00
Fort Robinson " "	18.04
Bishop Hare.....	50.00
Hon. E. W. Martin...	5.00
Rev. J. Robinson.....	5.00
Rev. H. Burt.....	2.00
Holwoju etanhan	72.00

Ataya..... \$324.34

Šunka wakan zaptan.

Rosebud etanhan,

Iron wood Creek.

Anpao kin:

Wicolian wan ieyapaha kta uncinpi kin lee ye lo. Winyan omniciye kin wicolian kin yuwašakapi kta cinpi. He hecetulapi na on etanhan oitancan wicaglahnigapi lena eepi: Itancan, Mrs. Mary Railroad; Itancan okihe, Mrs. Lizzie Big Corn; Mazaska awanyaka, Miss Millie Runs over them; Wwapi kaga, Miss Nellie High Horse; Wokagege awanyaka, Miss Sallie Black Crow; Wokagege wiyopeye, Mrs. Mollie High Horse; Wamnyan, Mrs. Julia Arm nahan Mrs. Mollie Went Home; Tiyopa awanyaka, Mrs. Lucy Good Elk nahan Mrs. Ellen Turkey Henry. Lena wicolian wašte el wowaši econpi kta on wicagluštanpi. Lena wicolian kin el heconpi kin tanyan econpi kta iwicayukeanpi na heconpi heon oitancan wicayuštanpi. Wakantanka wowaši ecakiconpi kta he icunhan Koška wanji Wawokiya iyutešipi, hecel iyuskinyan econ, Caje kin lee Matthew Good Elk. Eya lena inš eya hanli Wakanšica wayaka wicayuze lo. Taku on hecon kin lena ee, Wacipi na Mini wakan yatkanpi na kasu kutepi, akiciapi, mazašala wacipi, wašicun makoce ekta škal omanipi. Ho hecekel on Wakan šica wayaka wicayuze lo. Lena heconpi na nake Wakantanka itkokipapi kte cin kokipapi lo. Tka he hecetu šni, Wanikiya iwahounyanpi, heon iyopeunkičiyapi na Wakantanka itkouunkipapi kte lo. Ho inalima unkomani kta šni, iyopeunkiciyapi kte na Owacekiye el unku pi kte lo. Ho Mitakuye, winyan

omniciye tonakiya yauupi qon le wanlakapi cante on nape niyuzapi keyapi.

James Railroad.

Wicaša on giuotania.

Pine Ridge, Porcupine dist. etan.

Hekta Feb. 4 1906 anpetu wakan chanl ina maka kin lel akanl ihanuktapi qon he unkyuštanpi na woozičiyeye makoce kin ekta iyaya, hecel oiyokišice lo. Lecel caje, Tašanke nonpa win, nakun Wizi win. Ho leniyos caje lo.

Ho eya oiyokišica eša cinye Rev. I. H. Tuttle wicaša on wowicake wicoie ota nahounyanpi. Nakun wocante šica heca inš eya iyecel oyaka, canke wacintanka unyanpi. Na eya kola wicunyanpi wanjikji unkičianptapi eša iyotan om ina tancan kin yuha ayanpapi, John na Annie Bear in the Wood, Clayton na Susie High Wolf. Ho lena tob han osni qeyaš wowicala tawapi eciyatanhan awakicin škanpi. Ithinanna el maka mahel eunkignakapi na tankši, na tankši ciscipina ablezapi šni on lila hunku owekičeyapi canke otelike lo. Ho hecel hepa, tankši misun, na tanke waunblenicapi wicacepi eciyatanhan, tka he taku isampa kin le Wakantanka wan owihanke wanica he ateyunyanpi, na Okolakiciye wakan kin le inauunyanpi miniun-kakaštanpi hehanyan hecel Woniya wakan eciyatanhan waunblenicapicapi šni. Ho hecel iyokipipi na wakilitapi na okšan etonwanpi na wacinunksapapi. Hena wicoiye kin ecela šni tka wowapi wakan etan wicaša woonspe heca ota nahounyanpi. Ho hecel Christ eciyatanhan wicowe unwanjipila kin lila ciksuayapi na on naunyaonpi uncinpi na on le iyokišilya wakage lo. Ho hecel tona le wanlakapi kin taku wocekiye on unyeksuyapi nin eamni ye lo. Nitakolapi onšike con he miye.

Thomas White Face.

Center, Neb. etan.

Mitakoda Anpao wašte kin:

Ito dehan wayaotanin ciši kta. Eya Isanyati oyate kin den Okodakiciye oadetka tom yakonpi qa hena otioyohi tokenken wicolian wašte apadan econpi naceca, ešta tohiuna Anpao en ohdakapi šni, heon Isanyati oyate kin de wocekiye wicolian kin eciyatanhan tankapi ešta qa wanke seececa. St. Andrew qa B. C. U. qa Winyan omniciye yamnipi kin dena wicolian wašte ota yuštanpi ešta hduotaninpi šni. Nakaes taku wašte econpi kin owasin akalipa wanke seececa, heon dehan wanji on homatanin kta wacin. Mini wašte oyanke en Koška itancan wan unyuhapi kin he Charles St. Clair he hee. Ho de koška kin wokajuju eciyatanhan on ni kta iyehanyan qupi šni ešta tawicu kici wacintankaya škanpi. Ho decece qon de icunhan B. C. U. kin qa Winyan Omniciye napin nina okiyapi, wi-

cašta iyohi kašpapi wanji mnaki-yapi, qaiš canhanpi qa pejihuta sapa heceken on okiyapi. Dena decen econpi kin eciyatanhan decen waawacanmi. Tokaš Okodakiciye wakan kin sanpa yuicagapi kta on decen škanhanpi nace, decen waawacanmi. Akeš wanji tokeca iš decen econpi. B. C. U. kin he hekta upi kin dece woonspe wan onspeiciyapi. Tohan omni-ciye econpi eca, tokaheya odowan wanji on dowanpi, qa akeš Wowapi wakan onšpa yawapi, hehan akeš Itancan tawoekiye kin he eyapi ece. Hehan akeš Wowapi wakan oehde wanji wanyake šni eyapi ecee. Dena taku wašte kin decen econhanpi, ešta ake dehan iyotan isanpa taku iyotan wašte heca wan, qa he iyotan cinpica lice qon hee'ce ohnayan Koška itancan unyahapi kin kici unškanpi. Decen eyapi, ito Wowapi wakan oehde wanyake šni unkeyapi ece qon he unhdutokecapi kte qa ee decen unkeyapi kte; ito wicoicage wowapi kin he otokaheya kin hetanhan yawa unkayapi kta eyapi qa iyecen econpi. Hecen omaka wanji unkihunnipi kinhan Wowapi wakan otinskoya-unštanpi hecinhan sdonunkiyapi kta eyapi qa ecen econpi. Ho mitakuyepi de wicohan kin iyotan wašte lice, qa wicašta taniyohi qa winyan taiyohi econqonpi kta iyececa, tka icunhan iš Wakansica nina unkuwapi qa eceken iye ohunyanpi qa iye wicohan šica tawa kin ohnahna wowidagunyanpi hececa yuke.

Hehan mitakoda Anpao wašte kin ehake taku kin wanji unyeci-daotaninpi kta uncinpi. Mini wašte en B. C. U. oitancanpi kin dena eepi: Itancan lice cin, Gabriel Rouillard, Joseph Walker, James Sharp, Daniel Stone, Wowapi kaga. Winyan omni-ciye itancanpi kin dena eepi: Lucy John, Louise Walker, Mamie Eastman, Julia Henis, Wowapi kaga; Wamnayanpi kin, Jennie Hemans, Emma Sharp, Rebecca Ross.

B. C. U. etanhan
Daniel Stone,
Wowapi kaga.

Koškalaka tawicu kici un.

Good Shepherd,
Inyanwoslata etanhan.

Hekta Feb. 6 ahanhepi anpao kin icunhan wicincala wašte wan, waniyetu šakowin kin heca Wakantanka ti ekta iyaye lo. John na Nellie Šunka wanbli cincapi Julia. Koškalaka tawicu ob wakišaka wicabluha kin wanji heepi. Ho wakanheja kin iyaye šni itokab hanhepi šakpe el winyan mitawa kici el unqonpi. He icunhan taku kakanpi nahon manke, hecetu se ecanmi. Wicincala kin wocekiye waštelake cin heca. Tanyan onspekiyapi canke hececa. Unkan hecanmi heca, tonkin wicaša cincapi oyasin hececin wocekiye waštelake wicaye nin ecanmiheca. Hehan

kaki yapi ešaš ohinni wowicaqu škanpi. Nakun hecel eyapi sa, Micinkši teunšilapi qon tuwa kakešaš tipi wakan wanyake šni on kunyapi ka, ojetaninyan le eyapi ece. Yunkan ho hecanmiheca hecetu kecanmi. Icin wicaša wan taheca šunkala opawinge wicayuha tka qon he wanjila gnumi. Yunkan unmapi kin awicaynštan na okile na iyekiya unkan cante wašte. Nakun winyan wan mazašala wikeemna yuha qon wanjila gnumi ayušan šni tka okile ece. Ho iyekiye unkan cante wašte. Ho iyecel wowiyutan yukim aluštanpi na facincala Wakantanka tawa keca hiyaye ehapi Wakantanka cante wašte niyanpi kte lo ecanmi. Ho hehanl wicaša yamni el wicahipi na om woglag yankapi, Daniel Wanbli wicaša, Paul Wiyakahanska na James Šunkaciqala hena eepi. Ho Šunka wanbli woglake. Ho mitakolapi taku tehika eša iyomatatin kta ea micicuwa qon hena ablušan kepe lo, nahana hehanl Wakantanka Christian makage cin le el omahitka cin ecanmi ye lo mitakolapi, eye lo. Hecanmi hecetu. Icin Wakantanka el wica iyecel wapaha tawa kin ihukuya okicize econqonpi kta keunkeyapi qon nainš Wakan šica kin unkipajinpi kta keunkeyapi qon; tka ee Christ taakicita taokiye wacinyepica kin heuncapi kta keunkeyapi qon ecanmi. Ho hehanl winyan kin taku Wakanheja kin le Wakantanka waniyetu šakowin awanyag maši kin tanyan slolwaye šni tka Wakantanka le maqu we ecanmi na tanyan awanmiciyaka, eya. Unkan nakun hecanmi, tokin winyan kin oyasin hecinpi qeš ecanmi. Ho inš eya mitakuyepi, wicaša winyan kin wanjikji cinea ŋapi kin tuktektel unpi kin owicakilepi šni, slolwicakiyapi šni škanpi kin on icante mašica. Ni unpi nahana ŋapi ešaš unma tukte kešaš awicakehan tewicabulapi wašte. Ob ičiconzapi hecinhan el ecela keš najinpi wašte ecanmi. Icin wowiyutan yukim ahunkepi kin tuwe ksapi kta hwo, nahana owinš kiton kta he, na tanyan wotin kta he. Hiya wanicin kta mitakolapi.

Harry Holy Medicine.

Black Pipe Creek el
St. Barnabas etan.

Anpao kin:

Kola, lehan taku yaotanin ciši kta. Ho yunkan eya maka owancaya Wakantanka wowaši ecakiconpi kin unkiš eya lel wanji unyuhapi. Ho tka Tipi wakan nahali unnicapi canke nahali unhunkapi šni canke, eya heš lila tipi unkuwapi na wanna wanji unkiyutaninpi tka nahali ake awamna-unyanpi ea tokeša tohan unkiglegapi kin ake naunyaonpi kte.

Ho inš eya tona Anpao wanlakapi kin naunyaonpi uncinpi. Ho lena ake Koška okolakiciye kin wi ake nonpa Wakantanka wowaši

ecakiconpi kta na ohinni iyuškin-yan škanpi. President, Silas Fire; Vice Pres., Daniel Poor Thunder; Sec'y, Joseph Black War Bonnet; Treasurer, Joseph Crow Eagle; Iapi awanyaka, James Hawk Ghost; Collector, Peter Thompson; Sick, Thomas Red Elk; Door, Joseph Fire Heart. Ho lenakeca koška kin wi ake nonpa Wakantanka etkiya epazo manipi kta. Ho hecetu we lo. Tona Anpao iyacupi kin cantewašteya nape unniyuzape lo.

Joseph Black War Bonnet.

Herrick, S. D. etanhan.

Dear Anpao kin:

Tohinni wowapi cica šni, tka ito taku awacanmi kin he nayahon kte lo. Ikcewicaša na Ska wicaša tuktetu keš Jesus slolyapi na heon tanyan unpi qa wicaša iyecel unpi qa ohanyanpi qa caje waštepi kta qa Wakantanka oholapi qa ohinni wocekiye eyapi qa tawowapi yawapi kta icin he tacanaku kin tanyan oyake. Maka akan wicohan otakiya wanka unkan Wakantanka oie kin heon wiconi kta keya, isanpa takuni šni, wokamna mazaska hena on oyate nipi qa on tanyanpi kta. Unkan hena maka akan wicohan na Jesus wacinyanpi kin hececa wanica wowicake woowotanla ecela wanka. Waniyanpi hececa guguwicayapi qa iyayewicayapi owasin ptayela unpi šni. Wocekiye wicaša kin lehan onge onge wokajuju wankantuya cinpi na heca etanhan Tipi wakan kin ha ece hiyeye wanblake, na heon cante mašica na le wowapi cicage. Wowapi wakan le awacanmi 2 Kor. 6:1. Taku ituya econpica šni. Ho mitakuyepi wokajuju otona na wantantuya na on nijicacapi kta mitawacinpi kte šni iyececa walake. Wicanagi ota maka kin len onuniyanpi he awacinpila, etanhan onge icin niwicayapi kta iyececa, tukten wocekiye keš wake. 2 Kor. 5:16, 17 lena ohinni mitawacin en maun. Ho mitakuyepi tanyan waonspekiyapi na tanyan okalniwicayapi kinhan ičignayanpi kte šni. Ho henala epin kta. Tona Anpao kolayayapi kin woyawašte nitawapi on nape ciyuzapi. Wokamna wowijece hena hecetu he Wotanin wašte un.

Benj. S. Bear.

Kyle S. D. etanhan.

Anpao kin:

Lehanl wicoiye oblake wacin. Anpao wanblake yunkan wanji wicotawacin iyušica nawaon sa he lee. Bishop Hare wicohan wanji on icante mašica kin he 4th July kin el tuwa otuhan na waci na itešakiye cin ho he wanji tuwa econ kin Conyocation el u kte šni ye lo eye, na wicaša wanjigji hunli cantewašteya nape wicablužahan tka qon Šunka isanpa ihukuya ičicagape lo. Ho hena wowahokon-

kiye iwicawašte ca lila pilaunkiya-pi, tka akšaka hunli isanpa eye wala-ke, wayalitami sa okolakiciye oyapa kte šni ye lo, eya unqonpi kta huwo, na šunka wicisanpa nišice lo Okolakiciye wakan woonspe kin wicoiye lececa icahiya šni qeš epce. Wotanin wašte owotanla on wabokonunkiyapi he ogra Okolakiciye yuwaštepi kta ecanmi. Luke 18:9 nakun Oha. 9:1 hena wanunyakapi hecen. Icin Christian tehija wašagya sutaya Okolakiciye wicalapi unkecinpi wašte ye lo. Icin mazaska cola wowicala yuhapi tuwe keša mazaska iyustag wowaši econ kin he wacin tanka he wanunyakape lo. Ho hecel mitakolapi wicoiye nonpa kin lena eye šni wowahokonkiye eya onspeunkiciyapi wašte.

Thompson Y. Bull.

Kolaunyanpi kin taku eye cin on ito Wowapi wakan oegle kin lena yawa kta wašte: Matthew 28. 18-20; Oha. 14.15; 1 Kor. 5. 4-7; Jacob 3. 1; 2 Inyan 2. 20-22.

White Clay S.D. etanhan.

My Dear Anpao kin:

Tohanni takuni epe šni tka lehanl taku wanji epin kta wacin ye lo. Yunkan tokaheya Owacekiye el lila unyanpi mašna hehanl lila wacinunkopi sa ye lo. Yunkan on lecel mitawacin ye lo. Tokaš tanyan Wowapi wakan unkablezapi šni ye ecanmi ye lo. Ho heon lecel epa wacin. Koškalakapi owacekiye el unyanpi kin lecel unškanpi wašte ye lo. Cante suta unkitanpi kte lo, na ciyewicunyanpi kin lila škan se nawicunjinpi na onatawicunkiyahampe lo, he wašte ea econqonpi šni ye lo. Christian heuncapi na kohan lila waaiunyanpe lo, ca hena elpeunyanpi wašteke lo. Icin lecel wiyacinpi wanji on taku wakin kta. Yunkan tona wana cantipi wan wakagin kte ea wawa yuwiyeya ewaknake lo, yunkan taku tona on sutaya tanyan hin kte kin he iwagni ye lo. Ho tokaheya aglihin kte kin he iyewaye lo, na unonpa kin he maza wiyokata kin e eye na iyama oihanke topa kin ee ye lo. Ho yunkan tanyan wakage lo yunkan sutaya he lo. Wana waniyetu 26 hehanyan he lo. Yunkan inš lehanl koškalakapi kin hecel unpi šni ye lo lila waaiapi he lila onspepi. Ho tuwa owacekiye el ye ehantanhanš taku tona agliheya on tanyan sutaya hin kta kin hena na ihena unma sutaya kagapi nin ecanmi. Ho inš Mini amakaštanpi šni tka mini akastaunpi ota kawicawape lo, wacinmatanka yunkan wašte ye lo. Ho ea Wowapi wakan tanyehi unkablezapi wašte kecanmi. Ho tokatakiya miš eya mini amakaštanpi kta ška tanyan agle kin wakage lo. Tona Anpao iyacupi kin oyasin lei nape ociyuspapi. Nisunkala wanji he miye ye lo.

John Wanbli chitika.